

OBILAZAK LOKACIJA (TUZLA, ŠEKOVIĆI, SREBRENİK, LUKAVAC, ŽIVINICE) – PREGLED

PODRŠKA MALIM I SREDNJIM PREDUZEĆIMA

U okviru komponente ekonomskog oporavka (komponenta egzistencije/izvora prihoda), EU Program za oporavak od poplava pruža pomoć za devet malih i srednjih preduzeća i 125 komercijalnih poljoprivrednika iz tuzlanske regije.

Ukupan iznos pomoći za subvencije malim i srednjim preduzećima u tuzlanskoj regiji iznosi **555,000.00 KM (283,766.99 EUR)**. Podrška je namijenjena za nabavku opreme (mašina) i sirovina potrebnih u proizvodnji, kao i rekonstrukcije i sanacije objekata u cilju očuvanja postojeće razine zaposlenosti i stvaranje dodatnih mogućnosti zapošljavanja.

Sredinom decembra, potpisani su ugovori između odabranih malih i srednjih preduzeća i EU Programa za oporavak od poplava, a završetak provedbe projektnih aktivnosti planiran je za kraj septembra, kada su svi odabrani poslovni subjekti dužni podnijeti završni izvještaj koji uključuje sve korake koji su poduzeti u šestomjesečnom vremenskom okviru, kao i potvrdu da je poslovni subjekt zadržao željenu razinu zaposlenosti.

Razine broja zaposlenih prije poplava su očuvane u značajnom broju preduzeća, a neka od njih su čak i povećala broj svojih uposlenih mimo planirane razine (na primjer, „Herceg“ d.o.o. iz Srebrenika je zaposlio 12 novih radnika).

SREBRENİK

↓ POSLOVNI SUBJEKTI

„HERCEG“ d.o.o. – Zahvaljujući sredstvima EU Programa za oporavak od poplava, „Herceg“ d.o.o. je zadržao razinu broja uposlenih prije poplava (182 uposlenika), a umjesto inicijalno planiranih sedam novih uposlenika, angažirali su 12. Pored stalno zaposlenih, preduzeće često zapošljava na osnovu ugovora o djelu, tako da je stvarni broj zaposlenih zapravo i veći. Nabavka najmodernije mašine za rezanje PVC i aluminijskih profila i sanacija pogona povećala je produktivnost rada i proizvodnju tako što je olakšala rad u postojećim pogonima za izradu proizvoda od PVC-a i aluminijske proizvodne linije.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„HERCEG“ d.o.o.	Proizvodnja PVC i aluminijske stolarije	80.000 KM 40.903,35 EUR	Oprema i strojevi	182	94 stalno zaposlenih 134 na pola radnog vremena

„VOĆNI RASADNIK“ d.o.o. – Preduzeće je zadržalo isti broj uposlenih kao i prije poplava. Naglasili su kako očekuju stvaranje novih radnih mjesta, posebno za sezonske radnike. Proizvodnja voćnih sadnica je vraćena na razinu prije poplava. Plantaža jabuka je obnovljena i u toku su aktivnosti na proširenju, a koje će omogućiti stvaranje sirovinke baze za korištenje instalirane linije za proizvodnju sokova i zapošljavanje novih radnika. Pored korištenja voća iz vlastite proizvodnje, preduzeće će kroz proizvodnju sokova povećati broj kooperanata od kojih otkupljuje proizvode i na taj način će se posredno povećati zaposlenost u samom području.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„VOĆNI RASADNIK“ d.o.o.	Proizvodnja sjemena i sadnog materijala / proizvodnja sokova	70.000 KM 35.790,43 EUR	Oprema za proizvodnu liniju za sokove	24	24

„KEMIS BH“ – Preduzeće je zadržalo isti broj uposlenih kao i prije poplava. Zahvaljujući sanaciji poslovne zgrade, preduzeće je steklo još i veću poslovnu reputaciju, koja je postavila temelje za učešće u drugim projektima. Preduzeće očekuje da će porast poslovnih aktivnosti generirati dodatna radna mjesta.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„KEMIS BH“	Obrada i zbrinjavanje opasnog otpada	70.000 KM 35.790,43 EUR	Sanacija objekta	11	11

„BAUKLAR“ d.o.o. – Preduzeće je uposlilo troje novih radnika. Sredstva dobivena putem EU Programa za oporavak od poplava su bila od velike pomoći u nabavci sirovina, čime se osiguralo održavanje opreme i zadržavanje radnih mjesta. Sredstva EU Programa za oporavak od poplava također su pomogla preduzeću da se oporavi od gubitaka i vrati na svoje noge. Kao rezultat toga, preduzeće je certificirano ISO standardom te je lansiralo dva nova proizvoda na tržištu.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„BAUKLAR“	Proizvodnja ljepila u građevinarstvu	70.000 KM 35.790,43 EUR	Sirovina	13	13

„BOSNA NILESS“ – Odmah po prijemu subvencije, preduzeće je započelo s nabavkom čelika za proizvodnju. Većina čelika je već iskorištena i kupcima su isporučeni gotovi proizvodi. S obzirom da se preduzeće bavi isključivo proizvodnjom čeličnih elemenata i remontom amortizacijske opreme, nabavka sirovina je omogućila nastavak proizvodnje i radna mjesta za sve zaposlene. Sva radna mjesta su zadržana, uz angažman dva nova uposlenika na puno radno vrijeme (ukupno 16 radnika). Nadalje, preduzeće je nabavilo manji kamion kako bi olakšalo prijevoz robe.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„BOSNA NILESS“	Proizvodnja, remont i servis mašina i uređaja	70.000 KM 35.790,43 EUR	Rehabilitacija pogona i sirovina	13	16

„EM ONIKS“ – Preduzeće je zadržalo isti broj uposlenih kao i prije poplava (premda je tokom provedbe raskinut radni odnos četiri uposlenika na vlastiti zahtjev, slobodna radna mjesta su ubrzo popunjena istim brojem zaposlenih). Sredstva iz EU Programa za oporavak od poplava omogućila su preduzeću nabavku sirovina, što je dovelo do pozitivnih učinaka poput povećane proizvodnje i proširenja na nova tržišta. Što se tiče posrednih učinaka, preduzeće je preuzelo još jedan projekat s nadležnim entitetskim institucijama. „EM ONIKS“ je podigao kredit za izgradnju dijela pogona, gdje je izmješten industrijski laserski rezač kako bi se ublažilo radno opterećenje na drugim proizvodnim dijelovima.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„EM ONIKS“	Usluge u građevinarstvu	65.000 KM 33.233,97 EUR	Sirovina	82	82

TUZLA

„ANAIŠ KOMERC“ d.o.o. – Uslijed poplava iz maja 2014. godine, preduzeće je moralo preseliti svoj proizvodni pogon u novi, nedovršeni dio. Sredstva u okviru EU Programa za oporavak od poplava su korištena za postavljanje centralnog grijanja, klima uređaja i ventilacijskih sistema. Ulaganje u sirovinu je omogućilo preduzeću sklapanje novih poslova. Nadalje, preduzeće je nabavilo novu mašinu, čime je povećana učinkovitost proizvodnje. Kao rezultat toga, preduzeće je uspjelo zadržati svoju razinu ekonomske stabilnosti prije poplava. Puni učinci se tek trebaju vidjeti jer preduzeće svojim poslovnim partnerima nudi opciju odgođenog plaćanja.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„ANAIŠ KOMERC“ d.o.o.	Proizvodnja torbica	60.000 KM 30.677,51 EUR	Oprema i mašine	17	17

ŽIVINICE

„MINALLI“ d.o.o. – Projektna sredstva su iskorištena za nabavku mašina potrebnih za proizvodnju namještaja po narudžbi. Osim toga, projektna sredstva uložena u nabavku materijala potrebnog za proizvodnju omogućila su preduzeću da učestvuje na brojnim sajmovima. Ove aktivnosti su dovele do novih kontakata i poslovnih ponuda. Broj zaposlenih je ostao isti kao i prije poplava (dvije osobe su dale otkaz na vlastiti zahtjev i angažovana su dva nova uposlenika).

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„MINALLI“ d.o.o.	Proizvodnja namještaja	20.000 KM 10.225,84 EUR	Oprema	8	8

ŠEKOVIĆI

„KONFEKCIJA MAJA“ – Nabavka tri mašine za šivenje je otvorila tri nova radna mjesta. U toku su pregovori za proširenje asortimana proizvoda na kupaće kostime. Trenutno se radi probna proizvodnja. Zahvaljujući EU Programu za oporavak od poplava, preduzeće je povećalo broj zaposlenih i unaprijedilo razinu ekonomske aktivnosti.

Preduzeće	Tržišna niša / grana industrije	Subvencija EU Programa za oporavak od poplava	Vrsta ulaganja	Broj zaposlenih prije poplava	Broj zaposlenih nakon projektne intervencije
„KONFEKCIJA MAJA“	Fabrika odjevnih predmeta (donjeg rublja)	50.000 KM 25.564,59 EUR	Mašine	39	39

KOMPONENTA ZA EKONOMSKI OPORAVAK U OKVIRU EU PROGRAMA ZA OPORAVAK OD POPLAVA – PREGLED PODRŠKE ZA MALA I SREDNJA PREDUZEĆA

	FBiH	RS	BD	BiH	Tuzlanska regija (Lukavac, Šekovići, Tuzla, Srebrenik, Živinice)
Broj MSP-a koji učestvuju u projektu	24	29	3	56	9
Subvencija EU Programa za oporavak od poplava (KM i EUR)	BAM 1.310.000,00 EUR 669.792,36	BAM 1.310.000,00 EUR 669.792,36	BAM 210.000,00 EUR 107.371,29	BAM 2.880.000,00 EUR 1.472.520,62	BAM 555.000,00 EUR 283.766,99
Broj zaposlenih prije poplava	768	1021	72	1861	389
Broj zaposlenih nakon projektne intervencije	934	1112	79	2125	534
Povećanje broja zaposlenih	166	91	7	264	145

POMOĆ ZA DODATNIH 30 MALIH I SREDNJIH PREDUZEĆA (PROVIZORNO)

Druga faza PROVIZORNO	FBiH	RS	BD	BiH	Tuzlanska regija (Lukavac, Šekovići, Tuzla, Srebrenik, Živinice)
Broj MSP-a koji učestvuju u projektu	14	15	1	30	7
Subvencija EU Programa za oporavak od poplava (KM i EUR)	BAM 645.000,00 EUR 329.783,26	BAM 715.000,00 EUR 365.573,70	BAM 25.000,00 EUR 12.782,30	BAM 1.385.000,00 EUR 708.139,26	BAM 380.000,00 EUR 194.290,91
Broj sačuvanih radnih mjesta nakon projektne intervencije	311	540	6	857	271

EU PROGRAM ZA OPORAVAK OD POPLAVA – PREGLED AKTIVNOSTI KOMPONENTNE EKONOMSKOG OPORAVKA

- 54 (od ukupno 56) malih i srednjih preduzeća ispunilo je svoje ugovorne obaveze koje proizlaze iz finansijske podrške dobivene u okviru EU Programa za oporavak od poplava.

Podrška poljoprivrednicima (poljoprivreda)

Komercijalna poljoprivredna gazdinstva:

- Po zatvaranju javnog poziva za komercijalna poljoprivredna gazdinstva, pristiglo je **1.030** prijava za pakete za održivost (koji uključuju 200 m² plastenika, kao i sjeme potrebno za 2000 m² uroda jagoda/krastavca-kornišona/paprika) za 24 općine/opštine pogođene poplavama.
- Za učešće u projektu, odabrano je **419** korisnika.
- Odbor za ocjenu pristiglih prijava sastojao se od predstavnika Ministarstva poljoprivrede, vodoprivrede i šumarstva FBiH i RS - predstavnika Odjela za poljoprivredu, te predstavnika agencija za razvoj PREDA, NERDA i dva člana ispred UNDP-a.
- Ukupan broj korisnika je **200** u RS-u, **206** u FBiH i **13** u Brčko distriktu.
- Broj korisnika u Tuzlanskoj regiji (Tuzla, Šekovići, Lukavac, Srebrenik, Živinice) je **125**, a predviđena je finansijska podrška u iznosu od **1,312,500.00 KM (671,070.59 eura)**.
- Približni iznos investicija za svakog korisnika je **10,500 KM (5,368.56 eura)** sa očekivanim godišnjim prometom od **10,000 do 12,000 KM (5,112.92 do 6,135.50 eura)**.
- Identificirani su kupci za sve poljoprivredne proizvode iz ove komponente izvora prihoda/egzistencije u okviru EU Programa za oporavak od poplava, čime je kompletiran lanac vrijednosti.
- Prema specifikaciji objavljenog poziva za komercijalne poljoprivrednike i planiranim projektnim aktivnostima, svaki korisnik će dobiti:
 1. 200m² staklenika opremljenog sistemom za navodnjavanje, sadnim materijalom za stakleničku proizvodnju povrća, te đubrivo i paket proizvoda za zaštitu.
 2. Paket za proizvodnju bobičastog voća (jagoda - za industrijske svrhe i/ili prehranu ljudi) na 0,1 hektara, uključujući i sadni materijal, đubrivo i paket proizvoda za zaštitu, sistem za navodnjavanje i folije.
 3. Paket za proizvodnju povrća (kornišona i/ili paprike, ovisno o području) na 0,1 hektara, uključujući i sadni materijal, đubrivo i paket proizvoda za zaštitu, sistem za navodnjavanje i folije za proizvodnju paprike.

Proizvodnja za vlastite potrebe:

- Po zatvaranju javnog poziva za odabir korisnika, pristiglo je **4.617** prijava za odabir korisnika za distribuciju poljoprivredne opreme/alata, sitne stoke i staklenika do 100 m², s ciljem pomoći socijalno ugroženim segmentima stanovništva u 11 najteže pogođenih općina/opština (Bijeljina, Šamac, Dobož, Prijedor, Banja Luka, Maglaj, Odžak, Domaljevac-Šamac, Orašje, Tuzla, Brčko). Distribucija paketa će biti pripremljena na temelju potreba podnosioca zahtjeva (u rasponu od staklenika, sadnica, poljoprivrednih alata do sitne stoke), te izvršena u skladu s potrebama.

PLANIRANE AKTIVNOSTI

- Objavljen je javni poziv za proizvođače pšenice u Posavskom kantonu, a do 100 korisnika će dobiti sjeme za usjeve, uz popratne aktivnosti kako bi se osigurala njihova integracija u lokalni lanac vrijednosti. Klas d.d. Sarajevo, kao jedan od vodećih aktera u prehrambenoj industriji, pristao je na otkup svih proizvoda, čime je kompletiran lanac vrijednosti.
- Javni poziv za odabir korisnika za distribuciju nesilica u Posavskom kantonu zatvoren je 22. juna, sa ukupno zaprimljenih 17 prijava. Nakon provjera na terenu, biće odabrano 10 korisnika.
- U pripremi je javni poziv za 200 poljoprivrednih gazdinstava u općinama/opštinama pogođenim poplavama za uzgoj maline, sa planiranim objavljivanjem u augustu.